

AUTODETERMINAZIORAKO BILGUNEAK. Proposamenak eskatu dizkiete «abertzale aurrerakoiei»

AuBk martxoaren 15eko topaketan aztertuko du bozetan zer egin

Topaketaren xedea hainbat alorretako ekarpenekin «herri programa» osatzea dela azaldu dute

Idoia Etxebarria | DONOSTIA

Autodeterminaziorako Bilguneak (AuB) topaketa egingo du datorren martxoaren 15ean, «orain arteko lanaren fruitua» ezagutarazteko; hainbat proposamenekin «herri programa» osatzea du helburu. Hala jakinarazi zuten atzo Jose Ramon Etxebarria, Pedro Albite eta Itziar Lopategi AuBko ordezkariak, Donostian. Azaldu zuten, topaketan hauteskunderen parte hartu ala ez ere aztertuko dute.

Iragan larunbatean Iruñeko Labrit pilotalekuan aurkeztu zuten AuB, «ezkerreko eta abertzale» sentitzen diren hirurehun lagunek sustatutako «tresna politiko berria». Atzo Etxebarriak azaldu zuenez, autodeterminazioa kezka nagusizat hartuta «alternatiba bat» eskaini nahi diote euskal gizarteari: «Zergatik? Uste dugulako Euskal herrian autodeterminazioaren alde gauden herritarrek gehien-go soziala garena».

Proposamenak egiteko deia «abertzale eta aurrerakoiei»

Martxoko topaketa Euskal Herri osoari begira egingo dute, eta helburua «irtenbide sozialak eta politikoak bilatzeko programa» osatzea izango da, «herri programa» egitea. Horri begira, proposamenak egiteko deia egin zieten «demokrazia eraikitzearen alde dauden sektore abertzale eta aurrerakoi guztiei». Astelehenetik aurrera www.aubilgunea.org webgunea irekita egongo da, proposamenak jasotzeko. Izan ere, «prozesu ireki eta parte-hartzailea bultzatzea» nahi dutela esan zuten atzoko agerraldian.

AuBko partaideek «zenbait hilabete» daramatzate lanean, eta martxoaren 15ean emango dituzte ezagutzera euren «ekarpenak». Etxebarriaren arabera, une honetan «giza eskubide guztiak bermatzeko programa» sortze prozesuan dago, eta hainbat alorretako jendea lan taldeetan «proposamen zehatzak» ari da eztabaidatzen.



IMANOL OTEGI / ARGAZKI PRESS
Ezkerretik hasita, Pedro Albite eta Jose Ramon Etxebarria irakasleak eta Itziar Lopategi LABeko kidea.

AURKEZPENAK

AuBk hainbat herritan aurkeztuko du bere burua. Bilbon ere aurkezpenera egitekoak badira ere, oraingoz hiru hitzordu zehaztu dituzte:

Gipuzkoa. Datorren larunbatean, otsailak 22, Hernanin egingo dute aurkezpenera.

Araba. Otsailaren 27an, ostegunarekin, Gasteizen aurkeztuko dute bilgunea.

Nafarroa. Iruñean ere otsailaren 27an egingo dute aurkezpenera.

Lantzen ari diren alorrak «euskara, hezkuntza, gizartea eta ekonomia, kultura eta kirola, politika feminista, gazteria politika, Amalurra sektorea, immigrazioa eta Euskal Herriaren instituzionalizazioa» direla argitu zuen. «Aldaketarako pauso positibo eta eraginkorrak proposatzea» da euren asmoa.

«Euskal Herriari dagozkion eskubideetan oinarritutako alternatiba eta proposamena prestatu nahi ditugu», adierazi zuen Etxebarriak. Programaren oinarria Iruñean aurkeztutako agiria izango da. Bost oinarri ditu proposamen horrek: autodeterminazioa eraikitzea, gatazkari irtenbide demokratikoa ematea, erasoei aurre egi-

HELBURUA

«Sektoreak biltzeko tresna»

Pedro Albite irakasleak euskal gizarteak «bere oraina eta etorkizuna erabakitzeko» aukera izan behar duela esan zuen, eta horretarako beharrezkoa dela «aldi historiko eta politiko berri honetan gizarteko hainbat sektore biltzen dituen tresna bat izatea». Izan ere, haren ustez, «beste Euskal Herri bat posible da, beharrezkoa da». Esan zuenez, «herri hau askatasunaren bidean, bakearen bidean, ipiniko duen ibilbidea garatu» beharra dago. Albite pozik agertu zen «herriaren erantzunarekin», eta azaldu zuen ez dela kasualitatea Iraki erasotzearen alde daudenak izatea «gaur irtenbide demokratikoa eragozten dutenak». *Asko gara, Bil gaitezen* da AuBren mezua. Etxebarriaren hitzetan, «Euskal Herriko lurralde eta lan eremu ezberdinetakoak gara, baina guztiok dugu batean autodeterminazio eskubidea egunero eraiki nahi izatea».

tea, eraldaketa eta berdintasuna borrokatzea eta euskara eta euskal kultura zabaltzea.

Hauteskunderen gaia «aztertzen» dihardute

«Egoera politikoak kezkatu egiten gaituelako sortu gara, eta oinarritzko eskubide batzuk babesik gabe ikusten ditugulako», gogorarazi zuen Etxebarriak, hauteskunderen buruz galdetu ziotenean. Hauteskunderen «gertakari garrantzitsua» direla esan zuen, eta, euren «kezketa bat» izaki, gaia «aztertzen» dihardutela: «Ez dugu inolako aukerarik baztertu».

Angel Acebes Espainiako Barne ministroak esandakoen gaineko iritzia ere eskatu zie-

ten; herri plataforma berriei ez dietela bozetan parte hartzen utziko dio Acebesek. Etxebarriak argitu zuenez, AuB ez da plataforma, bilgunea baizik. «Egungo egoera politikoarekin oso arduratuta gauden herritar talde bat gara, eta irtenbideak eskaini nahi ditugu». Ildo horretatik, herritar gisa bilguneako guztiak «eskubide politikoen subjektu» direla esan zuen, eta eskubide horiek abian jarri nahi dituztela, «irtenbideak ematen saiatzeko».

Pedro Albitek, berriz, plataformak alboratzea adierazpen askatasunaren eta euskal gizartearen gehiengoaren borondatearen kontrakoa izango litzatekeela esan zuen.

PLATAFORMAK

Mugarra herri bilgunea aurkeztu dute Durangon

Erredakzioa | BILBO

Durangoko (Bizkaia) ezkertiar eta abertzaleak biltzen dituen Mugarra herri bilgunea aurkeztu zen atzo iluntzean. Berrehun bat lagun bildu ziren Santa Ana plazan herri ekimena babesteko asmoz eta Gernika Deialdiaren lekukoa hartzeko. Ordu erdiko ekitaldi xumea izan zen eta bertan Mugarra plataformaren ildoak laburbiltzen duen manifestu bat irakurri zuten.

Autodeterminazio eskubidearen aldarrikapena, egungo demokrazia ezaren salaketa eta ezkerreko ikuspegi batetik Durangoko herrian bultzatzea daitezkeen ekimenak izan ziren plataformaren manifestuaren oinarri.

Ordiziarrek Gera

«Autodeterminazio eskubidea aldarrikatzeko, ezarritako esparru politikoa gainditzeko eta gizarte politika aurrerakoa bultzatzeko» helburuz Ordiziarrek Gera plataforma sortu zuen igandean «ahotsik gabe utzi nahi duten herritar multzo zabalak», Ordizian (Gipuzkoa).

400 lagun inguru izan ziren plataforma aurkezteko egin zen ekitaldian. Ondoren, eta Ordiziako ohitura zaharrei jarraiki, Bustuntza auzora abiatu ziren, intxaurren baten aspian biltzeko. Izan ere, bertan biltzen ziren aspal-di ordiziarrek erabakiak hartzeko. Intxaurren berri bat landatu eta kalejira egin ostean, bazkaria eginez bukatu zuten aurkezpenera.

Herri plataforma gehiago ere aurkeztuko dituzte datozen egunotan. Bihar, ostirala, Hernaniko herri plataforma aurkeztuko dute. Eta larunbatean, berriz, besteak beste Tolosan, Urretxun, Ermuan eta Untzagan ezagutaraziko dituzte beste plataforma batzuk. Tolosakoak Tolosa Bizirik izango du izena, eta Urretxukoak, Herribide.

Igandean, Legazpiko herri plataforma aurkeztuko dute. Hainbat plataforma sortu dira autodeterminazioaren alde.